



অবিলম্বে প্রকাশের উদ্দেশ্যে: 2/28/2023

গভর্নর ক্যাথি হোকল

গভর্নর হোকল বন্দুক সহিংসতার বিরুদ্ধে স্টেটের লড়াইয়ে উল্লেখযোগ্য অগ্রগতি ঘোষণা করলেন

*2021 সালে দেশের 10টি বৃহত্তম স্টেটের মধ্যে আগ্নেয়াস্ত্র দ্বারা হত্যার হার নিউ ইয়র্কে সর্বনিম্ন ছিলো; গত বছর দেশের 20টি বৃহত্তম শহরের মধ্যে নিউ ইয়র্ক সিটিতে খুনের সংখ্যা তৃতীয় সর্বনিম্ন ছিলো*

*স্টেটের বন্দুক সংশ্লিষ্ট সহিংসতা অপসারণ উদ্যোগে অংশগ্রহণকারী বিশাতি পুলিশ বিভাগ 2023 সালের জানুয়ারিতে 50টি গুলির ঘটনার রিপোর্ট করেছে যেখানে কেউ আহত হয়েছে, যা 2020 সালের মার্চ মাসে মহামারী শুরু হওয়ার পর থেকে সর্বনিম্ন*

*নিউ ইয়র্ক সিটি গত মাসে 73টি গুলির ঘটনার রিপোর্ট করেছে, যা 2020 সালের মে মাসের পর থেকে সর্বনিম্ন*

গভর্নর ক্যাথি হোকল আজকে বন্দুক সহিংসতার বিরুদ্ধে স্টেটের লড়াইয়ে উল্লেখযোগ্য অগ্রগতি ঘোষণা করলেন, নিউ ইয়র্ক সিটি এবং স্টেটের বন্দুক সংশ্লিষ্ট সহিংসতা অপসারণ (Gun Involved Violence Elimination, GIVE) উদ্যোগে অংশগ্রহণকারী সম্প্রদায়সমূহ 2020 সালের প্রথমার্ধের পর, গত মাসে গুলির ঘটনায় সর্বনিম্ন আহত হওয়ার রিপোর্ট করেছে। GIVE এ অংশগ্রহণকারী 20টি পুলিশ বিভাগ 2023 সালের জানুয়ারিতে 50টি গুলির ঘটনার রিপোর্ট করেছে, যা 2020 সালের মার্চ মাসের পর থেকে সর্বনিম্ন, একইসাথে নিউ ইয়র্ক সিটি 73টি গুলির ঘটনার রিপোর্ট করেছে, যা 2020 সালের মে মাসের পর থেকে সর্বনিম্ন। গভর্নর হোকল নর্থওয়েল হেলথের (Northwell Health) চতুর্থ বার্ষিক বন্দুক সহিংসতা প্রতিরোধ ফোরামে (Fourth Annual Gun Violence Prevention Forum) এই অগ্রগতির রূপরেখা প্রদান করলেন।

"আমরা সঠিক দিকে বড় পদক্ষেপ নিচ্ছি, কিন্তু এই সংখ্যা এখনো অনেক বেশি," **গভর্নর হোকল বলেন।** "প্রত্যেকটি ঘটনাই মর্মান্তিক, এবং প্রত্যেকটি গুলির ঘটনা এর শিকার ও তাদের পরিবারের অপরিমেয় কষ্ট ও ক্ষতির প্রতিনিধিত্ব করে। বন্দুক সহিংসতা একটি জনস্বাস্থ্য সঙ্কট এবং আমাদেরকে এটিকে তা হিসেবেই গণ্য করতে হবে, এর উৎস সনাক্ত করতে হবে, এর সংক্রমণ ঠেকাতে হবে, এবং এর চিকিৎসা করতে হবে।"

প্রাথমিক 2022 রোগ নিয়ন্ত্রণ ও প্রতিরোধ কেন্দ্রের (Centers for Disease Control and Prevention, CDC) ডেটায় দেখা যায় যে 2021 সালে দেশের 10টি বৃহত্তম স্টেটের মধ্যে আগ্নেয়াস্ত্র দ্বারা হত্যার হার নিউ ইয়র্কে সর্বনিম্ন ছিলো: প্রতি 100,000 বাসিন্দায় 3.1 মৃত্যু, যা জাতীয় গড় প্রতি 100,000 বাসিন্দায় 6.3 মৃত্যুর অর্ধেকের কম। একইভাবে, নিউ ইয়র্ক সিটি 2022 সালে দেশের সর্ববৃহৎ 20টি শহরের মধ্যে তৃতীয় সর্বনিম্ন খুনের সংখ্যা রিপোর্ট করেছে, এবং শুধু স্যান হোসে ও স্যান ডিয়েগোর পেছনে ছিলো। পরিশেষে, GIVE এ অংশগ্রহণকারী সম্প্রদায়সমূহ এবং নিউ ইয়র্ক সিটি উভয় 2021 সালের তুলনায় 2022 সালে গুলির ঘটনায় দুই অঙ্কের হ্রাস দেখেছে। নিউ ইয়র্ক সিটিতে 17 শতাংশ এবং GIVE জুরিসডিকশনগুলিতে 15 শতাংশ।

স্টেটব্যাপী আইন শৃঙ্খলা রক্ষাকারী এজেন্সিসমূহ গত বছর 10,093টি বন্দুক বাজেয়াপ্ত করেছে, যা 2021 সালে বাজেয়াপ্ত করা 9,088টি বন্দুকের তুলনায় 11 শতাংশ বেশি। নিউ ইয়র্ক স্টেট পুলিশ (New York State Police) কর্তৃক বন্দুক বাজেয়াপ্তকরণও প্রাক মহামারী মাত্রার তুলনায় 171 শতাংশ বৃদ্ধি পেয়েছে। 2019 সালের 528টি বাজেয়াপ্তের তুলনায় 2022 সালে 1,429 বাজেয়াপ্ত করা হয়েছে। এছাড়াও স্টেট পুলিশ 2022 সালে 120টি গোস্ট গান জব্দ করেছে, যা 2021 সালের তুলনায় 85 শতাংশ বেশি।

একই সময়, স্টেট এর রেড ফ্ল্যাগ আইন বলীয়ান করেছে, যা নিজের বা অন্যের জন্য হুমকিস্বরূপ ব্যক্তিদের হাত থেকে বন্দুক দূরে রাখে। 2022 সালের ফেব্রুয়ারির শেষ পর্যন্ত আদালত 1,308টি চরম ঝুঁকির সুরক্ষা আদেশ (extreme risk protection orders, ERPO) জারি করেছে। এর পরের 11 মাসে, 2023 সালের জানুয়ারি পর্যন্ত, আদালত মোট 6,209টি ERPO জারি করেছে।

গভর্নর হোকলের নির্বাহী বাজেট একটি সার্বিক জননিরাপত্তা পরিকল্পনা ও বিনিয়োগের অর্থায়ন করে যাতে কাজ করে বলে প্রমাণিত এমন কৌশল ব্যবহার করে বন্দুক সহিংসতা ও সহিংস অপরাধকে আরো কমিয়ে আনা যায়, যেমন:

- স্টেটের অপরাধ বিশ্লেষণ কেন্দ্র নেটওয়ার্ককে (Crime Analysis Center Network) নিউ ইয়র্ক সিটি পর্যন্ত বিস্তৃত করা, যা স্থানীয় আইন শৃঙ্খলা রক্ষাকারী এজেন্সিসমূহের সাথে স্টেটের অংশীদারিত্ব দ্বারা সমর্থিত নেটওয়ার্ক কেন্দ্রের সংখ্যা 11 করবে।
- GIVE উদ্যোগের তহবিল দ্বিগুণ করে 36 মিলিয়ন মার্কিন ডলার করা। GIVE 17টি কাউন্টিতে 20টি পুলিশ বিভাগকে সমর্থন করে, যা নিউ ইয়র্ক সিটির বাইরে নিউ ইয়র্ক স্টেটে সংঘটিত সহিংস অপরাধের 80 শতাংশকে এর আওতাধীন করে: অ্যালবানি, ব্রুম, চৌটাউকা, ডাচেস, এরি, মনরো, নাসাউ, ন্যায়াগ্রা, ওনেইডা, ওনোনডাগা, অরেঞ্জ, রেনসেলার, রকল্যান্ড, শেনেকট্যাডি, সাফোক, আলস্টার এবং ওয়েস্টচেস্টার। এইসব কাউন্টির ডিস্ট্রিক্ট অ্যাটর্নির অফিস, প্রোবেশন বিভাগ, শেরিফের অফিস, এবং অন্যান্য অংশীদার এই উদ্যোগের মাধ্যমে তহবিল লাভ করে।
- কমিউনিটি স্ট্যাবিলাইজেশন ইউনিট (Community Stabilization Units) 16টি কমিউনিটি থেকে 25টি কমিউনিটিতে বৃদ্ধি করা, নজিরবিহীন চারটি একাডেমি ক্লাসের

জন্য তহবিল প্রদান এবং ফেডারেল টাক্স ফোর্সে উপস্থিতি বৃদ্ধি করার মাধ্যমে স্টেট পুলিশের জন্য সহায়তা বৃদ্ধি করা।

স্টেটের অপরাধ ন্যায়বিচার পরিষেবা বিভাগ (Division of Criminal Justice Services, DCJS) ও মার্কিন অ্যালকোহল, তামাক, আগ্নেয়াস্ত্র ও বিস্ফোরক ব্যুরোর (U.S. Bureau of Alcohol, Tobacco, Firearms and Explosives, ATF) মধ্যকার একটি অনন্য অংশীদারিত্বের মাধ্যমে, স্টেট সমর্থিত অপরাধ বিশ্লেষণ কেন্দ্র নেটওয়ার্ক ATF এর জাতীয় সমন্বিত ব্যালিস্টিক তথ্য নেটওয়ার্ক (National Integrated Ballistic Information Network, NIBIN) ব্যবহার করতে পারে। এই গ্রীষ্মকালের মধ্যে, প্রতিটি কেন্দ্রে শেল কেসিং প্রক্রিয়ার এবং স্টেটজুড়ে একাধিক জুরিসডিকশনের বিভিন্ন অপরাধের স্থান থেকে সম্ভাব্য মিল সনাক্ত করার অনসাইট প্রযুক্তি থাকবে। এই শনাক্তকরণ প্রক্রিয়ার জন্য এর আগে এক মাস পর্যন্ত সময়ের প্রয়োজন হতো কিন্তু এখন 24 থেকে 48 ঘণ্টার প্রয়োজন হবে এবং নির্ভুলতার রেটিং 99.6 থাকবে।

এছাড়াও গভর্নর হোকলের বাজেট প্রস্তাবনা সম্প্রদায়ভিত্তিক সংগঠনকে সমর্থন করে যারা কমবয়সী ও তাদের পরিবারকে সেবা, সমর্থন ও সুযোগ প্রদান করবে, এর মধ্যে রয়েছে স্টেটের SNUG স্ট্রিট আউটরিচ (SNUG Street Outreach program) কর্মসূচির জন্য 25 মিলিয়ন মার্কিন ডলারের চলমান বিনিয়োগ।

SNUG কর্মসূচি এমন কর্মী নিয়োগ দেয় যারা কিশোর ও তরুণদের দ্বন্দ্ব বেড়ে যাওয়ার পূর্বেই তা সনাক্ত ও মিটমাট করার শিক্ষা দেয়; আহত বা মারা যাওয়া ব্যক্তির পরিবারের সাথে মধ্যস্থতার মাধ্যমে প্রতিশোধ প্রতিরোধ করার জন্য গুলির ঘটনায় সাড়া দান ও তাদের সহায়তা করে; এবং কর্মসূচিতে জড়িত কমবয়সীদেরকে লক্ষ্য নির্ধারণ করতে ও তাদেরকে শিক্ষামূলক ও চাকরির সুযোগ ও অন্যান্য পরিষেবার সাথে সংযুক্ত করে দেয়। কর্মসূচিগুলি এছাড়াও র্যালি, বিশেষ ইভেন্ট, এবং অন্যান্য সম্প্রদায়ের জমায়েতের মাধ্যমে সম্প্রদায়, ধর্মীয় সংগঠন, ক্লগার্জি, এবং স্থানীয় ব্যবসাসমূহকে জড়িত করবে।

SNUG সাইটসমূহের সামাজিক কর্মী ও কেস ব্যবস্থাপকগণ বন্দুক সহিংসতা বা সম্প্রদায়ের অন্যান্য অপরাধে ক্ষতিগ্রস্ত ব্যক্তিদের ট্রমা-অবগত কাউন্সেলিং, সাপোর্ট গ্রুপ, অ্যাডভোকেসি, এবং ভিকটিম পরিষেবা অফিসের (Office of Victim Services, OVS) কাছে ক্ষতিপূরণ আবেদন পূরণ করতে অপরাধের শিকার ব্যক্তিকে সহায়তা প্রদান করে; এবং সনাক্তকৃত ও প্রয়োজন অনুযায়ী অন্যান্য সেবা প্রদান করে এবং ট্রমা সংক্রান্ত জটিল অভিজ্ঞতা থাকা SNUG দলের অনেক সদস্যকে সমর্থন ও নির্দেশনা প্রদান করে।

দায়িত্ব গ্রহণের পর থেকেই, গভর্নর হোকল গোস্ট গান, বড় ধারণক্ষমতার ম্যাগাজিন এবং বডি আর্মার নিষিদ্ধ করে; বন্দুক অপরাধের জন্য জামিনের যোগ্যতা সম্প্রসারিত করে; সেমি অটোমেটিক অস্ত্র ক্রয়ের বয়স 21 এ বৃদ্ধি করে; এবং দেশের প্রথম [আন্তঃস্টেট অবৈধ বন্দুকের টাক্স ফোর্স](#), যা মার্চের মাঝামাঝি আবার বৈঠক করবে, তা গঠন করে ও অন্যান্য উদ্যোগ গ্রহণ করে নিউ ইয়র্ক স্টেটের বন্দুক সহিংসতা প্রতিরোধ আইন বলীয়ান করতে পদক্ষেপ গ্রহণ করেছেন।

###

আরো সংবাদ পাওয়া যাবে এখানে [www.governor.ny.gov](http://www.governor.ny.gov)-এ  
নিউ ইয়র্ক স্টেট | এক্সিকিউটিভ চেম্বার | [press.office@exec.ny.gov](mailto:press.office@exec.ny.gov) | 518.474.8418